

## ԸՆԿԵՐ ՆԻԿԻՏԱ ՍԵՐԳԵԵՎԻԶ ԽՐՈՒՇՉՈՎԻՆ

Թանկագին բարեկամ և ընկեր:

ՍՄԿՊ Կենտրոնական կոմիտեն, ՍՍՌՄ Գերագույն սովետի նախագահությունը և ՍՍՌՄ Մինիստրների սովետը Ձեր յոթանասնամյակի օրը ի սրտե և ջերմորեն շնորհավորում են Ձեզ՝ հավատարիմ լենինյանիդ, կոմունիստական պարտիայի ու սովետական պետության, միջազգային կոմունիստական ու բանվորական շարժման ականավոր գործչիդ, իմպերիալիզմի դեմ, խաղաղության, դեմոկրատիայի, ազգային անկախության և սոցիալիզմի նամար խիզախ մարտընդդիդ:

Լինելով հերոսական բանվոր դասակարգի պանծալի զավակ, Դուք, Նիկիտա Սերգեևիչ, անցել եք հին Ռուսաստանի պրոլետարների աշխատանքի ու պայքարի դաժան դպրոցը: Ձեր գիտակցական կյանքն անխզելիորեն կապված է լենինյան պարտիայի, մեր մեծ ժողովրդի ռևոլյուցիոն գործունեության հետ: Քաղաքացիական պատերազմի տարիներին, քաղաքական աշխատանք կատարելով կարմիր բանակում, Դուք զենքի ձեռքներիդ կոպում էիք ինտերվենտների և սպիտակգվարդիական հակառևոլյուցիայի դեմ: Քաղաքացիական պատերազմն ավարտվելուց հետո Դուք Ձեր բոլոր ուժերը նվիրաբերում էիք սոցիալիստական շինարարությանը, երկար տարիներ գլխավորելով Ուկրաինական ՍՍՌ-ի և մեր հայրենիքի մայրաքաղաք Մոսկվայի պարտիական կազմակերպությունները:

Հայրենական մեծ պատերազմի ահեղ տարիներին, Դուք, մեր պարտիայի մյուս գործիչների հետ միասին, անմիջականորեն ռազմականատնելում ղեկավարում էիք սովետական ռազմիկների անձնվեր պայքարն ընդդեմ հիտլերյան զավթիչների: Լինելով գործող բանակի մի շարք ռազմականատների ռազմական խորհուրդների անդամ, Դուք ամենակտիվ կերպով մասնակցում էիք ռազմական գլխավոր գործողությունների մշակմանն ու իրագործմանը, Վոլգոգրադի, Կուրսկի և Օրյոլի մոտ մղված պատմական նակատամարտերին և այլ մարտերի:

Ավելի քան տասը տարի առաջ Դուք միահամուռ ընտրվեցիք Սովետական Միության կոմունիստական պարտիայի Կենտրոնական կոմիտեի առաջին քարտուղար և 1958 թվականից գլխավորում եք սովետական կառավարությունը: Դրանով ձեր կարևորագույն պոստերում, Դուք անխոնջ եռանդով եք կատարում Ձեր բացառիկ բարդ ու պատասխանատու պարտականությունները պարտիայի ու սովետական ժողովրդի հանդեպ:

Իր XX համագումարում մեր պարտիան Ձեր նախաձեռնությամբ վերցրեց անհատի պաշտամունքի ծանր հետևանքները վերացնելու, պարտիական ու պետական գործունեության լենինյան սկզբունքները վերականգնելու և զարգացնելու, կոլեկտիվ ղեկավարություն իրագործելու հաստատուն կուրս: Պարտիան այդ կուրսը կենսագործում էր հակապարտիական խմբի դեմ մղած կատաղի պայքարում, որը չախչախվեց ու միահամուռ դատապարտվեց ամբողջ պարտիայի կողմից: Քաջ հայտնի է, թե ինչպիսի հսկայական դեր և ռևոլյուցիոն լենինյանի ինչպիսի խիզախություն ցուցաբերեցիք Դուք պետական ու պար-

տիական կյանքի լենինյան նորմաների հաղթանակի համար մղված պայքարում:


Մեր հայրենիքի՝ կոմունիստական հասարակարգի ծավալումն կառուցման ժամանակաշրջան բեակոխելը պարտիայից պահանջեց ստեղծագործաբար մշակել տեսական նոր պրոբլեմներ. գիտականորեն որոշել դեպի կոմունիզմ կատարվող առաջընթացի՝ ոչ ոքի կողմից չփորձված ուղիները: Կենտրոնական կոմիտեն Ձեր ղեկավարությամբ պետք է դրսևորեր իրադարձությունների խոր բմբռնում, ռևոլյուցիոն համարձակոյություն և լենինյան իմաստնություն՝ պարտիայի նիշտ գլխավոր գիծ մշակելու համար: Մեծ Լենինի ստեղծած Սովետական Միության կոմունիստական պարտիան գտնվեց իր առջև կանգնած պատմական խնդիրների բարձրության վրա, նաչողությամբ լուծեց և լուծում է արդիականության տեսական ու փառափառ ամենաբարդ պրոբլեմները, հենվելով Մարքսի-Էնգելսի-Լենինի մեծ ուսմունքի վրա: Ձեր անմիջական մասնակցությամբ պարտիան մշակեց և իր XXII համագումարում քննունեց ՍՍՄԿ-ում կոմունիզմի կառուցման ծրագիրը, որը մի նոր էտապ է մարքսիզմ-լենինիզմի ստեղծագործական զարգացման մեջ: Նդրադական կոմունիստական ու բանվորական պարտիաները ՍՄԿՊ ծրագիրն անվանեցին արդի դարաշրջանի կոմունիստական մանիֆեստ:

Կա՛նք լիովին հաստատեց մեր պարտիայի տեսական դրոյքներին, նրա պիլավոր գծին, նրա պրակտիկ գործունեության նշտությունը:

Անցած, հերավի, մեծ տասնամյակի տարիներին մեր երկրում արդյունաբերության և գյուղատնտեսության մեջ, Լկոնոմիկայի ղեկավարման գործում կատարվեցին վիթխարի վերափոխումներ, որոնք ապահովեցին ժողովրդական տնտեսության զարգացման արագ տեմպերը: Պարտիան և ամբողջ սովետական ժողովուրդը գիտեն, թե Դուք, Նիկիտա Սերգեևիչ, ինչպիսի եռանդով, կազմակերպչական ինչպիսի մեծ տաղանդով ու գործիմացությամբ եք զբաղվում տրետեսական և կուլտուրական շինարարության, գիտության ու տեխնիկայի զարգացման հասունացած հարցերով, հասարակական հարաբերությունների կատարելագործումով, սովետական մարդկանց կոմունիստական դաստիարակության հարցերով:

Ձեր ամբողջ բազմակողմանի գործունեության համար բնորոշ են սերտ կապը ժողովրդի հետ, անսպառ նախաձեռնությունն ու եռանդը, կյանքի պրոցեսների խոր վերլուծությունը, դեպի նվիրական նպատակը՝ կոմունիզմը ավելի ու ավելի արագ առաջ բնթանալու ձգտումը, բնդսմին չհրապուրվելով ձեռք բերած հաջողություններով: Ձեր ամբողջ կյանքը, քանկագին Նիկիտա Սերգեևիչ, լենինյան պարտիային և սովետական ժողովրդին անձնվիրաբար ծառայելու փայլուն օրինակ է: Ձեր ղեկավարությամբ պարտիան ապահովեց մեր հայրենիքի տնտեսական, պաշտպանական և զաղափարական-փառափառ հզորության շտեսնված ուժեղացում և խոշոր հաջողությունների հասավ ժողովրդի բարեկեցության բարձրացման գործում:

Անցած տասնամյակը համոզիչ կերպով ապացուցեց ՍՍՄԿ-ի լենինյան սկզբունքային ու նկուն խաղաղասիրական արտաքին փառափառության կենսական մեծ ուժը: Ինչպես Երբեք, այժմ բարձր են Սովետական Միության միջազգային հեղինակությունը, նրա դերն արդիականության արմատական պրոբլեմների լուծման գործում: Նիկիտա Սերգեևիչ, բոլոր ժողովուրդները բարձր են գնահատում Ձեր աչքի բնկնող ավանդը խաղաղության գործի ամրապնդման,



զաղութատիրության ոչնչացման համար, բանվոր դասակարգին և բոլոր աշխատավորներին սոցիալական ու ազգային հնչումից ազատագրելու համար մղվող պայքարում:

Կոմունիստական պարտիան հսկայական աշխատանք է կատարել և կատարում է՝ ամրապնդելու սոցիալիստական սիստեմի երկրների համագործակցությունը, համաշխարհային կոմունիստական շարժման միասնությունը մարքսիզմ-լենինիզմի սկզբունքների հիման վրա, որոնք հետագա զարգացում ստացան եղբայրական կոմունիստական ու բանվորական պարտիաների փաստաթղթերում 1957 թվականի 'Էսկլարացիայում' և 1960 թվականի Հայտարարության մեջ: Հենվելով լենինյան սկզբունքների վրա, ՍՄԿՊ Կենտկոմը Ձեր ղեկավարությամբ, Նիկիտա Սերգեևիչ, անհաշտ պայքար է մղում ունիթիոնիզմի, դոգմատիզմի, աղանդավորության, նեոտրոցկիզմի դեմ, հանուն մարքսիզմ-լենինիզմի անաղատության, հանուն միջազգային կոմունիստական շարժման շարժերի ամրապնդման:

Լենինյան ներքին և արտաին ֆաղափականությունը, որ վարում են ՍՄԿՊ Կենտրոնական կոմիտեն և սովետական կառավարությունը Ձեր գլխավորությամբ, է՛լ ավելի է ամրապնդել մեր պարտիայի և ամբողջ սովետական հասարակության միաձույլ միասնությունը, մեր երկրի բոլոր ժողովուրդներին հասցրել է իրենց էկոնոմիկայի ու կուլտուրայի բարգավաճման, բոլոր ազգությունների աշխատավորներին համախմբել է կոմունիզմ կառուցողների միասնական եղբայրական կուլեկտիվի մեջ:

Մեր հայրենիքի և ամբողջ առաջադեմ մարդկության բարօրությանը նվիրված Ձեր գործունեությունը վաստակել է սովետական ժողովրդի, համայն աշխարհի աշխատավորների խոր երախտագիտությունը, հարգանքն ու սերը:

Թանկագին Նիկիտա Սերգեևիչ:

Ձեր պանծալի հորելյանի օրը ՍՄԿՊ Կենտրոնական կոմիտեն, ՍՍՌՄ Գերագույն սովետի նախագահությունը և ՍՍՌՄ Մինիստրների սովետը Ձեզ մաղբում են ֆաջառողջություն, առույգություն, երկար կյանք և նոր մեծագործություններ հանուն մեր մեծ հայրենիքի բարգավաճման, հանուն սոցիալիզմի և կոմունիզմի գործի հաղթանակի:

ՍՄԿՊ ԿԵՆՏՐՈՆԱԿԱՆ  
ԿՈՄԻՏԵ

ՍՍՌՄ ԳԵՐԱԳՈՒԹՅԱՆ ՍՈՎԵՏԻ  
ՆԱԽԱԳԱՀՈՒՄՆԵՐԵՆ

ՍՍՌՄ ՄԻՆԻՍՏՐՆԵՐԻ  
ՍՈՎԵՏ

17 ապրիլի 1964 թվականի:

ՍՍՌՄ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ

ՀՐԱՄԱՆԱԳԻՐԸ

ԸՆԿԵՐ ՆԻԿԻՏԱ ՍԵՐԳԵԵՎԻՉ ԽՐՈՒՇՉՈՎԻՆ ՍՈՎԵՏԱԿԱՆ  
ՄԻՈՒԹՅԱՆ ՀԵՐՈՍԻ ԿՈՉՈՒՄ ՇՆՈՐՀԵԼՈՒ ՄԱՍԻՆ

Կոմունիստական հասարակարգի կառուցման, Սովետական Միության տնտեսական ու պաշտպանական հզորության ամրապնդման, ՍՍՌՄ ժողովուրդների եղբայրական բարեկամության զարգացման, լենինյան խաղաղասիրական արտաքին քաղաքականություն վարելու ասպարեզում կոմունիստական պարտիային ու սովետական պետությանը մատուցած աչքի ընկնող ծառայությունների համար և նշելով Հայրենական մեծ պատերազմի ժամանակաշրջանում հիտլերյան զավթիչների դեմ մղված պայքարում ունեցած բացառիկ ծառայությունները ընկեր Նիկիտա Սերգեևիչ ԽՐՈՒՇՉՈՎԻՆ, ծննդյան յոթանասնամյակի կապակցությամբ, շնորհել ՍՈՎԵՏԱԿԱՆ ՄԻՈՒԹՅԱՆ ՀԵՐՈՍԻ ՍԻ կոչում, նրան հանձնելով Լենինի ՇՔԱՆՇԱՆ և «ՈՍԿԵ ԱՍՏՂ» մեդալ:

ՍՍՌՄ Գերագույն սովետի նախագահության նախագահ՝ Լ. ԲՐԵՃՆԵՎ

ՍՍՌՄ Գերագույն սովետի նախագահության ֆարտուղար՝ Մ. ԳԵՈՐԳԱՋԵ

Մոսկվա, Կրեմլ, 16 ապրիլի 1964 թ.